

元始無量度人上品妙經卷之五十五

追度上世亡寃品

道言昔於龍梵天中景霄幽歌大鍊化土受元始度人追度上世亡寃無量上品元始天尊當說是經周迴十過以召十方始當詣座九皇上真飛天大聖妙行真人玄中法師洞陰朔單鬱絕之境五靈玄老黑帝天君酆都北帝六天大魔救苦靈仙九宮曹屬三元考覈無鞅數眾乘空而來三素飛雲八景霄輿華蓋垂蔭碧翠交光九色瓊蕤洞煥太空七日七夜諸天臺城樓觀影徹幽寥珠緯玉毫停輪息耀神風襲瑞空藏傾波一國地土山川林木緬平一等無復高下土皆作青玉萬里通映無有

道藏輯要

度人妙經

矣

九集四

×××

異色眾真侍座元始天尊玄坐空浮九光寶局之上說經一遍諸天大聖同時稱善是時大地眾生祖先積罪咸蒙赦原說經二遍光照九幽開悟宿命說經三遍雲周道境甘露灑空說經四遍火山息焰寒池靜波說經五遍地獄弛關幽魂解脫說經六遍落滅惡根不沉苦趣說經七遍焚燒黑簿考對休閒說經八遍泉曲冥官進陞仙品說經九遍暗域飛雲陽光盪翳說經十遍枯骨更生皆起成人是時一國是男是女莫不傾心皆受護度咸得長生

道言是時元始天尊說經一遍東方無極無量品青宮救苦大神無鞅之眾浮空而至說經二遍南方無極無量品朱宮明悟

大神無鞅之眾浮空而至說經三遍西方無極無量品素靈宮
玄定大神無鞅之眾浮空而至說經四遍北方無極無量品紫
元宮幽感大神無鞅之眾浮空而至說經五遍東北無極無量
品豐都宮雲營大神無鞅之眾浮空而至說經六遍東南無極
無量品九幽宮拔罪大神無鞅之眾浮空而至說經七遍西南
無極無量品泉曲宮度生大神無鞅之眾浮空而至說經八遍
西北無極無量品天福宮超化大神無鞅之眾浮空而至說經
九遍上方無極無量品真都宮靈妙大神無鞅之眾浮空而至
說經十遍下方無極無量品玄妙宮寂定大神無鞅之眾浮空
而至十遍周竟十方無極升度苦爽天真大神一時同至元始

道藏輯要

度人妙經

卷

九集四

八八八

天尊初說法時一國男女各各追懷上世亡竟億曾萬祖古往
先親或繫宿因承於業力已遂生方遨遊三界或尙沈幽境滯
爽冥關代厯綿長時丁久遠竟無依止體化塵埃性識未消尙
存心念羅斯陰罪必犯陽愆今遇元始將陳追度之法慶會無
邊願虛俟教廣利有生是時天尊四觀天人一切鬼神一方聖
眾舉山水雲霞之袂揮九色碧光宛轉之絃良久之頃以九色
碧光一縷之絲垂明下徹遙至九壘七圍鐵山之間十大地獄
方面八千餘里高廣深厚其量過之隨此碧光一縷之絲拔地
之聲六種俱振猶於大海交磕二山亦如諸天五雷併起正行
遊梵三十六宮應時傾動北酆諸大地獄翩翩高舉下離冥漠

昇於絕空碧絨之絲挽提獄頂洞出剛風及於天界以此大獄
繫於絲杪形如彈丸無量之眾瞻矚無礙皆見諸大地獄五刑
萬苦血刃火然表裏明覩不有纖障各見有罪祖先受諸苦報
禁考獄中哀吟求救一切眾生見此事相舉聲號泣響震諸天
祈告虛皇願垂追度元始怡顏微笑卽於頂上出大光明煥照
天地於光明中有赤文雲書昇天寶券芒金角玉蚪曲詳分示
眾宣言爾等眾生上世亡寃用此追度之法周迴十過皆獲昇
天來者霧合雲屯非可禁止迨國一半土皆偏陷乃懸一寶珠
大如黍米在空玄之中去地九丈元始登引天真大神上聖高
尊十方救苦拔罪真人至真大神無鞅數眾俱入寶珠之中天
道藏輯要

度人妙經

卅

亢集四

六六六

人仰看惟見拂拂從珠口中入旣入珠口不知所在國人廓散
地還平正無復欹陷元始卽於寶珠之內說經都竟眾真監度
以授於我當此之時喜慶難言法事粗悉諸天復位條歛之間
寂無遺響是時天人遇值經法普得濟惠拔度祖先不墮惡道
傾心歸仰咸行孝心能敬能讓能廉能貞能柔能和能奉能承
能忍能養心無悖慢口無怨言齊同慈愛異骨成親國安民豐
欣樂太平經始出教一國以道預有志心宗奉禮敬皆得度世
道言元始天尊說經中所言並是諸天上帝內名隱韻之音亦
是真王內諱百靈之隱名也非世之常辭上聖已成真人通玄
究微能悉其章誦之十過諸天遙唱萬罪悉原上世亡寃皆獲

昇仙旁資一切普度萬生回屍起死白骨成人至學之士誦之
十過則五嶽奏刺三官奉詞幽魂遷化逝魄超昇濟度亡歿絕
而得生所以爾者學士道德未充體未洞真以制十方威未制
天政德可伏御地祇資濟幽靈濟拔祖先而已輕誦此章身則
被殃供養尊禮門戶興隆世世昌熾與善因緣萬災不干神明
護門斯經尊妙獨步玉京度人無量爲萬道之宗巍巍大範德
難可勝

道言凡誦是經十過諸天齊到億曾萬祖幽魂苦爽皆卽受度
上昇朱宮格皆九年受化更生得爲貴人而好學至經功滿德
就追度高玄皆得神仙飛昇金闕遊宴玉京也上學之士修誦

道藏輯要

度人妙經

主

九集四

是經上世亡魂皆卽追度飛升南宮世人受誦則亡過祖考得
太陰鍊形之道鬼神暫滅不經地獄卽得返形遊行太空此經
微妙普度無窮一切天人莫不受慶無量之福生死蒙惠上天
所寶不傳下世至士齋金寶效心盟天而傳輕泄漏慢殃及子
孫長役三官侍經五帝玉童玉女各二十四人營衛神文保護
受經者身

道言正月長齋誦詠是經爲上世亡魂斷地逮役度上南宮七
月長齋誦詠是經九祖七玄升入大門赦罪遷善身得神仙十
月長齋誦詠是經追度古先眷屬億遠幽靈卽獲鍊化刻錄太
清八節之日誦詠是經遠世冤爽罪滅北都酆山息考罷役河

源得爲九宮真人本命之日誦詠是經玄堂七 往劫滯龜靈
肉附骨近生爲人竟神澄正萬氣長存不經苦惱身有光明三
界侍衛五帝司迎萬神朝禮名書上天功滿德就飛昇上清
道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐碧紫絳三
色雲氣之中內外翳冥有青龍白虎朱雀玄武獅子白鶴羅
列左右日月照明洞煥室內十方救苦無量大神駐輦空極
頂生圓象光映十方如此分明密咒曰

無上玄元太上道君召出臣身中三五功曹左右官使者侍香

玉童傳言玉女五帝直符直日香官各三十二人關啟所言今

道藏輯要

度人妙經

圭

元集四

川上三

日吉慶長齋清堂修行至經無量度人願所啟上徹徑御

無上三十二天元始上帝至尊几前

畢

引炁三十二過東向誦經

元始無量度人上品妙經

元始洞玄靈寶本章追度上世亡魂十遍度人九冥隱韻開化自然空洞降靈太虛生神總治法象統歸三元瓊宮大聖高居帝尊敷弘至妙考校因緣青編丹簡紀錄立文元陽紫微方諸洞泉太陰署罰火官舉遷生民隨業攝送酆山九河六洞萬鬼之營火城劍樹沸鑊寒庭鬼帥大魔考責罪魂元始玉符下拔幽局普爲眾生追度祖先上詣朱陵功告三官五嶽四瀆名山大川水府洞宮主宰神靈原赦滯爽不得稽停大會玄都速召萬神中有東極尋聲赴感太一救苦天尊中有度魂化形之君中有太冥鍊屍大神中有大慈妙行真人中有天樞天機好生

道藏輯要

度人妙經

卷三

元集四
X. 1. 1

文昌延壽度厄尊神招靈太玄無量度人今日校錄諸天臨軒
東方無極龍威神王長生大聖無量度人
南方無極丹靈神王長生大聖無量度人
西方無極皓華神王長生大聖無量度人
北方無極玄英神王長生大聖無量度人
東北無極鍊度神王長生大聖無量度人
東南無極變身神王長生大聖無量度人
西南無極復相神王長生大聖無量度人
西北無極正精神王長生大聖無量度人
上方無極火府神王長生大聖無量度人

下方無極返形神王長生大聖無量度人

十方至真飛天度竟超化神王長生度世無量大神並乘八景
琅輿飛雲葆蓋霞輦颺輪驂駕天馬白鳳青鸞建玄靈翠節綠
羽龍旛前導鈞天廣樂後參八素陽歌巨象麒麟翼衛辟邪十
精啟途七辰捧轅億靈萬神浮空而來光明照耀洞朗諸天神
霄府相元黃左宮陶公仙伯執錄把籍齊到帝前普度眾生上
世亡竟勅攝鬼帝來聽教言羅酆六宮陰洞鐵山賓友僚佐四
大明公司禁侍宸北河列侯各持黑簿削落罪根不得拘留逼
合鬼羣元始符命時刻昇遷息苦寒池濯灌天津制魔保舉度
品南宮九玄受鍊仙化成人身受度劫劫長存隨劫輪轉與
道藏輯要

度人妙經

卷

亢集四
川八上

天齊年承度風火刀兵考訟連對之難超凌三界逍遙上清上
清之天天帝合延無色之境梵行

東方八天

基化正宣天

帝變津宜

由明應玄天

帝遍臻元

極樂樞冥天

帝六關玄玄

變真九仙天

帝陣希務夸

耀靈華運天

帝揀丘澤方

不驕悲識天

帝覺海雲

佑祺素寶周儲天

帝柳蒙少滋

歷爽古澠弘思天

帝季路時

南方八天

李檀舜籍天

帝木岬舒

霞洞宴王天

帝景唐無央

刹聽化高天

帝效慈澆穹

封冥錄陰天

帝伯皇宥中

寬度昇慶天

帝用鄰德光

超對希樂天

帝息常如

慈登福果天

帝不逸披門

神校司官領錄天

帝蹈兢修璵

道藏輯要

度人妙經

卷

亢集四

西方八天

應祈勝妙天

帝適端俟

通化慮仙易真天

帝靖常崧

久世垌畿影化天

帝虛凡白微

道戶寂然天

帝吉動寵邦

愍正遙靈師補天

帝符符率從

玉都蕭韓主成天

帝命玄冲

昇虛玄變天

帝乞章融留

梵行太無天

帝攝神總靈

北方八天

太微玉華天

帝流傖宛興

微覺宗仙天

帝正刀蒲三

度靈蹟真天

帝柳題衍衡

董正黎辨天

帝步鏘極真

陰臺總按天

帝奏猗連

嶽詔遷證天

帝唐曜明輪

龍化珍惠天

帝定智丕旋

女青攄文天

帝阿都祉疎

三十二天三十二帝諸天隱諱諸天隱名天中空洞自然靈章

諸天隱韻返空之音化靈之尊追度之神監覓大魔返生之靈

道藏輯要

度人妙經

夫

亢集四

川上

九聖十眞變化上清無量之奧深不可詳敷落神眞追度亡覓
今日欣慶受度歷關諸天請滅三惡釋放地牢不經五道覓升
太玄眞王監舉無拘天門東斗濯神西斗鍊精北斗追冥南斗
度生中斗統運總司眾靈青帝護覓白帝侍魄赤帝養氣黑帝
通血黃帝中主萬神無越青天魔王開運化機赤天魔王法令
奮施白天魔王統領八威黑天魔王察凶檢非黃天魔王萬神
總歸五帝大魔生化之宗飛行鼓從下攝幽覓麾幢鼓節考校
鬼神位號赫奕高清上公上天度覓光勅北酆七玄受度追召
冥陽九幽奉簡泰山列章眞魔附靈生氣聚光乘化人天道力
恢張敢有干試拒遏上眞金鉞前戮巨天後刑屠割祇黨風火

無停追度上世久遠亡魂化氣受神返生還形魔無干犯真識
炯精三官北酆明檢覈營不得容隱金馬驛呈普告無窮萬神
咸聽三界五帝列言上清

混黃元紀化用渺茫感激真妙肇立二儀風澤上騰元綱下施
陽魂耀靈陰魄玄暉空洞杳冥中藏至神把握元化無上之尊
號曰虛皇玄居玉清龍漢大劫蒼帝運終延康溟滓長安太空
無形無影無極無窮赤光啟運傳道玉宸柏陵長樂丹天始青
開明三境三十六宮元變周流四方之天五斗列宿綱氣相連
輪轉升降生育萬靈乃錫玄符九天主文安鎮五山長保無傾
洞淵九壘諸太土皇正行遊梵寶闕雲營軒始之主虎口土龍
道藏輯要

度人妙經

七

九集四

×三

執天大憲與道同功運以神化包以剛風是爲靈寶玄中之玄
羅布萬神統歸三官生化品物考治人民錄善登真惡業沉淪
擔沙負石漣汲溟波驅雷役電幽夜之河萬劫受報備歷酸辛
吾不原赦何以超升爲汝追度上世亡魂是故宣告大道之根
皆使開悟與善因緣靈符破獄萬苦咸停玄光照暗朗耀重昏
鬼官升遷上聞諸天諸天之上各有生門中有追度上世亡魂
之章飛天靈歌辭參高真

第一欲界追度飛空之音

空洞宸景

玉妙元皇

統神化兮

開生度人

萬祖億曾

中有沈魂

欲念相牽纏

幽幽長夜昏

不遂齊立覺

何以超冥津

滌慮脫塵垢

清心蕩穢氛

回我慈悲光

靈風冉冉昇

冤仇當罷對

由資大法乘

摧破癡迷網

逍遙寓十方

稽首無上王

誦此靈寶章

鍊質陽華館

受度歸南昌

慶會合一際

俱蒙登福堂

第二色界追度成真之章

杳杳冥途

北帝鬼官

下統幽府

中有罪冤

業禍喪真

色累苦神

淪溺劫年

以失其生

我界險巇

道藏輯要

度人妙經

夷

九集四

穢念紛紛

開悟正道

稟我立科

獲昇度兮

飛越匏河

九天冲氣

三元妙華

混至化兮

敷張慶雲

統運機感

結育成人

億曾受鍊

解滅冤愆

殃散福來

逮及爾身

濟拔無窮

共獲帝仙

哀斯塵昧

故示法言

第三無色追度昇立歌曰

玉聖之尊

太一上神

號曰景精

招真命靈

接生降氣

度魄超冤

巍巍妙範

昭昭洞文

開悟無際

愛結悉除

慧朗回光

煥耀幽關

赫奕符告

上拔七玄

救赦滯爽

孰敢拘延

永過三界

鍊化未陵

逍遙太清

晏眎劫年

我道廣大

陶運億千

不但於祖考

而獲此登昇

萬遍既道備

身俱乘景雲

此三界之上飛空之中真王歌音音參洞章誦之百遍七祖飛昇誦之千遍列仙保迎億曾萬祖逍遙太清萬遍道備普度含生身超三界位證仙卿有聞靈音六天敬形勅制地祇侍衛送

道藏輯要

度人妙經

堯

元集四
川文

迎拔出地戶五苦八難永離北酆竟度朱陵是謂無量濟惠無窮有祕上天交諸天共所崇泄慢墮地獄禍及七祖翁

道言此二章並是諸天上帝及玉清真王隱祕之音皆是大梵之言朗徹九幽追度祖考冥漠久逝之竟聞是洞文眾苦消解神識超昇非世上常辭言無韻麗曲無華宛故謂玄奧難可尋詳上天所寶祕於玄都神霄玉清王府東室寶經祕藏道亨昌運符運下傳若有至人齋金寶質心依舊格告盟神霄然後而付焉

道言夫世之生民皆有玄祖上世高曾雖繼子孫鮮及遠代七世而上禮不稱論脫有先逝代數遼遠祭祀莫及資修之度不

克稽用業累未除竟留地司皆當祈告真靈請乞報應得告報
祥感則已獲超遷夢想不真多見冢墓考對之像則亡竟幽繫
未脫羶牢皆當齊心修齋六時行香十遍轉經以青紙丹書大
梵隱語著亡竟姓氏去世年月作四門方符牒之面以丹書昇
天券文背書年辰法師位號盛以絳囊祝地司主者及亡竟姓
名焚於建齋處卽得追度佩券生天福德立降消諸不祥無量
之文普度無窮

道言夫六親眷屬末學道淺或仙品未充運應滅度身經太陰
臨過之時爲其行香誦經十過以度屍形如法竟神逕上南宮
隨其學功計日而得更生轉輪不惑便得神仙

道藏輯要

度人妙經

平

九集四

八上

道言夫天地始生元始開圖卽有人物人物俱備卽有死生
死生者神氣來往人命之數也上世亡竟不惟久遠億曾萬祖有
經劫成壞而竟未超升者世之學士不知天地幾經成壞爲劫
長短亡竟定業幽繫不解者皆當拜奏章表行香誦經焚昇天
寶券修齋設醮祈向高真卽得追度生大福堂夫齋戒誦經功
德甚重使亡竟昭泰長夜通光地獄苦消火山息焰冥曹考罰
頓罷炎寒一切受賴其福難勝故曰無量普度天人

道言凡有是經能爲兆民行是功德發心修齋燒香誦經十過
皆諸天記名萬神侍衛右別至人剋得爲聖君金闕之臣諸天
記人功過毫分無失玉清真王亦保舉爾身得道者乃當洞明

至言也

諸天中大梵隱語無量音

道君譌

元始靈書中篇

東方八天

達朗披覬

玄紀法王

魔師赫盧

炎池誦光

斗魯幽察

擷司定廂

宛了究氏

盈門肥堂

勅捕醜虐

混開紫皇

蔚房靜除

寂音思彊

汴神逸羅

廣明檢禳

破解妙行

真氣耀邦

道藏輯要

度人妙經

全

九集四

南方八天

籍羅八臺

四明建仙

匱錄窮蒐

厯都命玄

泉沙般拉

阿列道姿

妙澄演覺

离璘愆阿

擺笳頻夷

欽連遣那

籠卯遏戊

盧府蒲圭

都文曷駢

臻和夢持

袞物汨謨

塊額頤基

西方八天

乾帝華樞

焦平觀都

景孽銖行

周萌賓呼

烈井驅力

玉判歸浮

趙章延蹊

鹿桓蚪檀

追冥叩無

綱石尸徒

閱頂辭緯

奕奕霹靈

左翊箕制

木玄魔丘

略負廣須

韓司主圖

北方八天

鼈靈典洞

酆牢鎖竄

赤章檢考

問籍通訶

櫛求過諺

報罰遣程

億資歲成

杳檄文靈

變孤驛弭

誦躍洞京

雕髯布款

孽齊交明

昉邊冲盧

九口津泝

馬猛戮奴

道藏輯要

度人妙經

全

元集四
川三三

奔愛莽神

道言此諸天中大梵隱語無量之音舊文字皆廣長一丈刻書
北清玄天寶幢之上散酆都泉曲九幽之罪赦積世亡竄追度
超昇利拔苦爽解脫業因往劫定債獲免償還自在逍遙不拘
泰山子孫福報貴祿宜官家無故氣傳逮不行天保其昌德富
爾身靈應元君昔書其文以爲正音有知其音能齋而誦者諸
天皆遣追度靈官下拔其竄書其功勤上奏諸天萬神朝禮地
祇侍門大勲眞王保舉神霄道備剋得遊行三界昇入金門此
音無所不辟無所不禳無所不度無所不成天真自然之音也
故誦之致靈人下觀上帝遙唱萬神朝禮三界侍軒羣祇束首

鬼精自亡琳琅振響十方肅清河海靜默山嶽吞烟萬靈振伏
招集羣仙天無氛穢地無祆塵宣慧洞清大量玄玄也

道藏輯要

度人妙經

全

亢集四

卷十文

一天師清微弟子共百堅製作
教學術資訊網站

